



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XIII

BROJ: 228

DATUM: 07.10.2016.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Educirano sedam trenera u području upravljanja vodosnadbijevanjem i odvodnjom

Vlada FBiH dala saglasnost na sporazum

Brže i jeftinije do dozvole u Općini Ilijaš

Potvrdili GIZ, USAID i UNDP: Tešanj i dalje najbolji

Na Ilidži otvoren prvi BH porodični urban sajam

Svečano označen kraj zajedničkog projekta općina Jajce i Mrkonjić Grad

U Kaknju počeli pripremni radovi vrijedni 20 miliona KM

U Zenici otvoren 23. generalni bh. Sajam ZEPS 2016. i 13. ZEPS Inter-metal

Pametne klupe stigle u Mostar

Bilten Saveza općina i gradova Federacije Bosne i Hercegovine

EDUCIRANO SEDAM TRENERA U PODRUČJU UPRAVLJANJA VODOSNADBIVANJEM I ODVODNOM



Upravni odbor projekta Lokalni dužnosnici jugoistočne Evrope, koji u fokusu ima pružaoce vodnih usluga i lokalne službenike zaposlene na radnim mjestima vezanim uz vodne usluge, sastao se po sedmi puta, od 21. do 23. septembra u Beogradu. Odbor je zaključio da su planirane aktivnosti u svim zemljama implementirane na zadovoljavajući način, te da će se projekt završiti krajem 2016. Održana je ovom prigodom i radionica za

trenere iz država u kojima se projekt implementira, koji su tokom implementacije projekta prošli zahtjevnju obuku u više područja i time se osposobili da svoje znanje prenesu zvanicnicima i zaposlenicima u području vodosnadbijevanja i odvodnje. Za područje Bosne i Hercegovine obučeno je ukupno sedam trenera koji su prve samostalne treninge održali tokom aprila i maja, a nastaviti će u novembru ove godine. Projekt je započeo 2014. a u njemu, uz Savez općina i gradova FBiH i Saveza opština i gradova RS, ucestvuju asocijacije lokalnih vlasti iz Makedonije, Srbije i Hrvatske. Regionalni nivo implementacije projekta koordinira NALAS (Mreža asocijacija lokalnih vlasti jugoistočne Evrope), a projekat finansira Njemačka razvojna agencija GIZ. Savezima FBiH i RS projekat ostavlja razrađeni sistem treninga i obučene trenere koji mogu značajno pridonijeti jačanju unutarnje organizacije dobavljača vodnih usluga i njihovih kapaciteta za implementaciju infrastrukturnih projekata.

VLADA FBiH DALA SAGLASNOST NA SPORAZUM

Vlada FBiH je, na 71. sjednici održanoj 29. septembra/rujna u Sarajevu prihvatila mišljenje Federalnog ministarstva pravde na Prijedlog sporazuma o saradnji između Parlamenta FBiH, Vlade FBiH i Saveza općina i gradova Federacije Bosne i Hercegovine. Potpisnici Sporazuma o saradnji saglasni su da će u procesu donošenja zakona i drugih akata koje pradlaže Vlada FBiH i donosi Parlament FBiH zajedno djelovati u sklopu dozvoljenih ustavnih, zakonskih i poslovnčkih procedura. Federalne vlasti su, u postupku donošenja propisa koji se direktno tiču jedinica lokalne samouprave, dužne putem Saveza općina i gradova FBiH konsultovati jedinice lokalne samouprave i u najvećoj mogućoj mjeri uvažiti njihove stavove.



Gledajte Savez općina i gradova
Federacije Bosne i Hercegovine na



Saradnja potpisnika posebno će biti usmjerena na provođenje procedura javnih rasprava o svim zakonskim, podzakonskim i drugim aktima koje predlaže Vlada FBiH i donosi Parlament FBiH i drugi organi i institucije u FBiH, a odnose se na zakone koji imaju uticaj na funkcionisanje jedinica lokalne samouprave. Vlada FBiH će u radne grupe za izradu zakona koji se tiču jedinica lokalne samouprave obavezno uključiti predstavnike Saveza općina i gradova FBiH, navedeno je u Sporazumu koji će potpisati predsjedavajući Predstavničkog doma Parlamenta FBiH Edin Mušić, predsjedavajuća Doma naroda Parlamenta FBiH Lidija Bradara, premijer Federacije BiH Fadil Novalić, predsjedavajući Skupštine Saveza općina i gradova FBiH Dževad Bećirević i predsjednik Predsjedništva Skupštine Saveza općina i gradova FBiH Ivo Jerkić.

BRŽE I JEFTINIJE DO DOZVOLA U OPĆINI ILIJAŠ

U velikoj, novootvorenoj, sali Općine Ilijaš je 28. septembra/ rujna upriličena prezentacija rezultata projekta poboljšanja poslovnog okruženja na lokalnom nivou u BiH (LIFE), koji implementira Grupacija Svjetske banke u saradnji sa Britanskom ambasdom u BiH, u cilju povećanja konkurentnosti i privlačenja većeg broja investitora, što će doprinijeti ukupnom poboljšanju kvaliteta




života u Općini Ilijaš. Prezentaciji su prisustvovali: Općinski načelnik g. Akif Fazlić, g. Tarik Šahović, projekt menadžer ispred Grupacije Svjetske banke zajedno sa saradnicima, predstavnik Ambasade Velike Britanije u BiH g. Peter Thomas GGF program menadžer zajedno sa saradnicima, privrednici Općine Ilijaš te rukovodioci i uposlenici Jedinstvenog općinskog organa uprave, a rezultate projekta prezentirao je g. Mirza Marukić - šef Odsjeka za lokalni razvoj Općine Ilijaš. Na samom početku Prezentacije prisutne je pozdravio Općinski načelnik g. Akif Fazlić istakavši: "Ovo je vrlo značajan Projekat koji se uklapa u naše opredjeljenje da je lokalni ekonomski razvoj ključni prioritet naše općine. U prethodnom periodu ostvarili smo značajne rezultate u ovoj oblasti. Povećanje ekonomije i zaposlenosti je dosta izraženo a to govori i činjenica da smo uspjeli prethodne četiri godine kreirati 1362 nova radna mjesta, da smo uspjeli pozicionirati Općinu Ilijaš na 12. mjesto po vrijednosti izvoza u FBiH, da smo jedina Općina u Kantonu Sarajevo koja ima pozitivan trgovinski bilans ali i dalje postoji potreba da ovaj segment razvijamo. Nezaposlenost je još uvijek velika i u novi mandatni period idemo sa našim projektnim zadatkom, a to je otvaranje novih 500 radnih mjesta. Ovo je jedan od projekata koji će nam pomoći u realizaciji našeg Plana. Kroz ovaj projekat smo već uradili značajne stvari: smanjili troškove izdavanja dozvola, skratili rokove, formirali Privredno vijeće koje funkcioniše kao jedan važan Savjet načelnika Općine Ilijaš, uradili Investicioni profil za Općinu Ilijaš koji će biti na raspolaganju svim potencijalnim investitorima što stvara jedan novi ambijent Općine Ilijaš". Opći cilj projekta je da pruži podršku lokalnim vlastima u Bosni i Hercegovini u jačanju njihove konkurentnosti i podsticanju rasta privatnog sektora kroz smanjenje opterećenja za privredu na lokalnom nivou, dosljednu implementaciju propisa na lokalnom nivou, unapređenje transparentnosti u pružanju usluga građanima i privredi, te unapređenje usluga za investitore i povećanje investicija u općini. "Zadovoljstvo mi je biti danas ovdje, zbog toga što smo u predviđenom vremenskom periodu uradili veliki dio posla. U današnje vrijeme nije čest slučaj da se predviđene aktivnosti završavaju u rokovima i zaista želim da se zahvalim uposlenicima Općine Ilijaš i svesrdnoj podršci načelnika Fazlića, jer je veliki dio posla urađen, što će, nadam se, pomoći Općini Ilijaš da bude još bolja i efikasnija. Naša saradnja sa Općinom Ilijaš ne završava ovom prezentacijom, jer planiramo raditi na privlačenju investicija, tako da je ovo samo početak. Nama je u interesu da ovaj projekat zaživi. Nema puno općina koje se mogu pohvaliti sa ovim što vi imate danas", istakao je gosp. Također, kao bitna novina u stvaranju pravne sigurnosti i transparentnosti u radu svih službi općinske uprave, uspostavljen je E-registar koji će biti dostupan na zvaničnoj web stranici općine, a sadržavat će podatke o svim administrativnim postupcima općinske uprave, te ažurne liste dostupnih općinskih poticaja, obrasce i upute za podnošenje zahtjeva, rokove za njihovo rješavanje sa iznosima administrativnih naknada.

Federalne vlasti su, u postupku donošenja propisa koji se direktno tiču jedinica lokalne samouprave, dužne putem Saveza općina i gradova FBiH konsultovati jedinice lokalne samouprave i u najvećoj mogućoj mjeri uvažiti njihove stavove.



Grb Općine Ilijaš

POTVRDILI GIZ, USAID I UNDP: TEŠANJ I DALJE NAJBOLJI



Od septembra prošle godine UNDP kroz MEG projekat vrši evaluaciju u sektoru podrške privredi i okoliša. Od 18 odabranih općina iz regiona Bihać, Prijedor, Doboj i Tuzla, koje će u periodu 2016-2019. godina dobiti podršku za unapređenje privrednih zona i zaštite okoliša, na prezentaciji u Doboju 20.09.2016. Općina Tešanj je ponovo ocijenjena najboljom, potvrđeno je iz ove općine. Inače, ovo je treće priznanje za pomenutu općinu. Podsjetimo, Njemačka organizacija za međunarodnu saradnju (GIZ) predstavila je 09.10.2015.godine rezultate praćenja i ocjene općinskih

kapaciteta od 2012. do 2015. godine (ProLocal). Tokom navedenog perioda općina Tešanj je proglašena "područjem poslovne izvrsnosti" i zauzela je ubjedljivo prvo mjesto od 10 općina u BiH za koje su pojedinačno predstajena istraživanja i nalazi. Nedugo zatim 09.05.2016. godine odlukom Regionalnog vijeća za jugoistočnu Evropu (koje podržava USAID) uručen je Općini Tešanj BFC certifikat za povoljno poslovno okruženje sa ocjenom 94,6 od 100 što je najveća ocjena od svih općina u 5 zemalja regije koje su prošle ovaj proces sertifikacije.

KORISNI LINKOVI ZA
PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelsmmed.com
www.eacea.ec.europa.eu

NA ILIDŽI OTVOREN PRVI BH PORODIČNI URBAN SAJAM

U organizaciji Udruženja Urbani menadžment je 7. oktobra/ listopada u Hotelu Hills na Ilidži otvoren prvi bh. Porođični urban sajam koji se održava od 7. do 9. oktobra/ listopada 2016. godine. Direktorica Udruženja Urbani menadžment Vildana Lončarić, kazala je da je riječ o prvom bh. urban sajmu ove vrste koji se održava u našoj zemlji. "U okolnim susjednim zemljama sajam se već održava, dok je kod nas prvi put i nadamo se da će biti uspješan. Iskoristila bih priliku da se zahvalim svima koji su prepoznali značaj ovog projekta i podržali nas", kazala je ona.



Načelnik Općine Ilidža Senaid Memić, kazao je da je jako važno da se ovakve stvari počinju događati na Ilidži. "Imamo uslove sa, pokazemo ponudu i bitno da se izlagači međusobno upoznaju i da im ubuduće predstavljanje ovdje bude prestiž", kazao je Memić. Dodao je da sajam dobra ideja koja treba da se razvija i dokaže kako se na moderan i savremen način predstavljaju kvalitetni brendovi. Nakon zvaničnog otvaranja, tokom dana će se predstaviti osnovne škole u Kantonu Sarajevo, izlagači, udruženja, klubovi sa područja kantona, kroz nastupe, takmičenja, nagradne igre. U večernjim satima posjetioci će imati priliku da uživaju u revijama za djecu i odrasle gdje će predstaviti vrhunski modni dizajneri. Organizatori ističu da je akcenat na predstavljanju proizvoda i usluga koje se odnose na očuvanje zdravlja. Uz relaksirajuću formu, te druženje sa građanima i predstavnicima medija, planirana je realizacija mini tematskih panela, prezentacija na bini, razmjena iskustava i noviteta. U nedjelju je otvaranje u 11:00 sati, a zatvaranje u 18:00 sati, s tim da će se oficijelni revijalni dio sa degustacijama vina, cateringa održavati u periodu od 18:00 sati do 20:00 sati u toku prva dva dana sajma, programi na centralnoj bini kroz sva tri dana sajma i Dan beba je predviđen za nedjelju uz LiliLand. Podsjetimo, partneri projekta su Ministarstvo kulture i sporta, Ministarstvo obrazovanja, Ministarstvo za komunalne poslove, Privredna komora federacije BiH, Općina Ilidža, Općina Hadžići, Općina Novi Grad, dok su sponzori projekta BH Pošta, BH Telecom, SSST Fakultet i Gadžo-Ans Drive i zlatni sponzor projekta AMKO Komerc.



Grb Općine Ilidža



SVEČANO OZNAČEN KRAJ ZAJEDNIČKOG PROJEKTA OPĆINE JAJCE I MRKONJIĆ GRAD

Svečanim otkrivanjem info table na platou Malog Plivskog jezera, općina Jajce i presjecanjem vrpce u Eko zoni Zelenkovac, opština Mrkonjić Grad, načelnik Općine Jajce Edin Hozan i Načelnica Opštine Mrkonjić Grad Divna Aničić označili su završetak implementacije zajedničkog projekta „Unaprjeđenje i promocija turističke ponude u općini Jajce i opštini Mrkonjić Grad“. Projektom je uspostavljeno međuopćinsko partnerstvo i izgrađena i unaprjeđena turistička infrastruktura, te stvoreni uslovi za bolju turističku ponudu.



Svečanosti je prisustvovao i Amer Mrako ministar prostornog uređenja, građenja, zaštite okolišta, povratka i stambenih poslova u Vladi SBK/KSB. "Završetak ovog projekta ne znači kraj, to je početak korištenja onoga što smo kroz projekat izgradili i obezbijedili. Ali sam sretan više od svega što nam je projekat donio zajedničku saradnju i povezao nas. Unaprijedili smo najljepše dijelove naših gradova i stvorili bolje uslove za zajedničku turističku ponudu. Hvala UNDP-u na još jednom projektu, koji slobodno mogu nazvati projektom za budućnost, hvala za podršku našim lokalnim zajednicama i hvala Opštini Mrkonjić Grad za zajedničku saradnju. Naša sardnja će, siguran sam, biti nastavljena i u narednom periodu", istakao je načelnik Općine Jajce Edin Hozan. S ciljem bolje promocije turističkih aktivnosti, povećanja konkurentnosti i privlačenja turista, u okviru Projekta integriranog lokalnog razvoja (ILD), koji predstavlja zajedničku inicijativu Vlade Švicarske i Razvojnog programa Ujedinjenih nacija u Bosni i Hercegovini (UNDP BiH) Jajce i Mrkonjić Grad su u prvoj međuopćinskoj saradnji napravili zajedničku turističku ponudu za Plivska jezera i eko centar Zelenkovac. Ukupna vrijednost projekta je 182.200 KM, od čega opštine Jajce i Mrkonjić Grad zajednički finansiraju iznos od 97.300 KM, a projekat ILDP 84.900 KM. Tanja Mihajlović predstavnik UNDP BiH izrazila je zadovoljstvo uspješnim završetkom ovog zanimljivog projekta međuopćinske saradnje i zahvalila Općini Jajce i Opštini Mrkonjić Grad. "Drago nam je što smo povezali dvije susjedne opštine i ne samo to, već dvije opštine iz dva entiteta i potvrdili da je moguće premostiti i sve administrativne različitosti", istakla je Mihajlovićeva i dodala da vjeruje da će Mrkonjić Grad i Jajce nastaviti saradnju. Pored zajedničkog predstavljanja na sajmovima, u okviru projekta je izgrađena i unaprjeđena turistička infrastruktura. Na prostoru Plivskih jezera i centra grada Jajca, postavljena je nova LED rasvjeta, obnovljeni su toaleti i uveden bežični internet, dok je na na Zelenkovcu u Mrkonjić Gradu izgrađena turistička staza sa rasvjetnim tijelima i pratećim mobilijarom. Zajednička turistička ponuda će biti predstavljena i putem jedinstvenih letaka i brošura, a opštine su potpisale i Sporazum kojim nastavljaju zajedničku saradnju u oblasti razvoja turizma i u narednom periodu. Također, na Plivskim jezerima je instaliran i biološki prečištač voda, kao dio aktivnosti na projektu Programa za zaštitu životne sredine i razvoj turizma u slivu rijeke Vrbas – Čist Vrbas, vrijednom 15.000 KM, koji finansiraju Ambasada Japana u BiH, Coca Cola, UNDP BiH i drugi donatori.

„Završetak ovog projekta ne znači kraj, to je početak korištenja onoga što smo kroz projekat izgradili i obezbijedili. Ali sam sretan više od svega što nam je projekat donio zajedničku saradnju i povezao nas. Unaprijedili smo najljepše dijelove naših gradova i stvorili bolje uslove za zajedničku turističku ponudu“, rekao je Edin Hozan.

U KAKNJU POČELI PRIPREMNI RADOVI VRIJEDNI OKO 20 MILIONA KM

Predstavnici kompanije "Agroproteinka" Zagreb i kakanjske firme "Bioorganika" koju je osnovala pomenuta kompanija su 29. septembra/ rujna u Kaknju, na lokalitetu Modrinje, predstavili fabriku čija je izgradnja počela pripremnim iskopskim radovima. Fabrika će vršiti toplinsku preradu životinjskih nusproizvoda sa ciljem proizvodnje animalnih proteina, te životinjske i tehničke masti. Radi se o investiciji firme "Agroproteinka" Zagreb koja je u Kaknju osnovala firmu "Bioorganika" radi realizacije investicije ukupne vrijednosti od oko 20 miliona KM. Izgradnja ove fabrike rezultat je povoljnog poslovnog ambijenta kojeg je kreirala Općina Kakanj i brojnih pogodnosti koje su osigurane za investitore.



Grb Općine Kakanj


Fabriku koja se gradi predstavili su projekt-menadžer investicije Stjepan Ledić i direktor firme "Bioorganika" Ivica Grlić. U obraćanju medijima Ledić je, između ostalog, rekao da se tvornica gradi u skladu sa svim propisima Evropske unije, da će se gradnja realizirati u dvije faze, da se u prvoj fazi vrše pripremni iskopni radovi koji obuhvataju i izmještanje Repovačkog potoka, te da će druga faza biti gradnja tvornice, a osvrnuo se i na saradnju sa Općinom Kakanj. "Općina Kakanj je sa nama izuzetno dobro surađivala i shvatila je što to zapravo znači", rekao je Ledić. U novoj fabrici neće biti spaljivanja animalnog otpada, dakle opasnih dimnjaka, a rad fabrike će se zasnivati na strogom poštivanju zakonskih propisa i normativa Evropske unije koji se odnose na zaštitu okoline. Na početku rada fabrika će zaposliti oko 70 osoba, a u slijedećim fazama i više. Obzirom da će osim fabrike postojati i otkupne stanice na području BiH zaposlenje bi izgradnjom ove fabrike mogao ostvariti i mnogo veći broj nezaposlenih osoba.



KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

U ZENICI OTVOREN 23. GENERALNI BH. SAJAM ZEPS 2016. I 13. ZEPS INTERMETAL



Na sajmištu Kamberovića polja u Zenici danas je svečano otvoren 23. generalni bh. Sajam ZEPS 2016. i 13. ZEPS Intermetal. Sajam na koje je trajao od 04. do 08. oktobra na površini od 18.000 m2 predstavio je izlagači iz zemlje i inostranstva, a otvorio je Branimir Muidža, generalni direktor Tvornice cementa Kakanj i generalni direktor HeidelbergCement grupacije u Bosni i Hercegovini i predsjednik Vijeća stranih investitora. Muidža je izrazio svoje zadovoljstvo jer u vremenu informacionih tehnologija ZEPS

okuplja i bilježi rekordan broj izlagača iz čak 27 zemalja. "ZEPS je važan dio ekonomskog sistema Bosne i Hercegovine koji povezuje privrednike", kazao je Muidža, te dodao kako je danas Zenica mjesto susreta, ali i mjesto za vrijedne, kvalitetne i ambiciozne ljude. Pojasnio je kako je formula stabilnog razvoja domaće ekonomije proizvodi i kupuj kvalitetno i pri tome domaće. "Mi smo kao država jaki, onoliko koliko je jaka naša privreda, prvenstveno poljoprivreda i industrija. Jaki smo onoliko, koliko koristimo svoje resurse, koliko imamo domaćih i stranih investitora, koliko budimo optimizam u mladima, a kako bi bili jači treba nam politička stabilnost i odgovornost", naglasio je Muidža. "U odnosu na prošlu godinu broj izlagača je veći za 15 posto, te ja na Sajmu prisutno preko 600 izlagača iz 27 zemalja svijeta sa svih kontinenata", kazao je Lalić. Podršku Sajmu dao je i predsjednik Vanjskotrgovinske komore BiH Bruno Bojić koji je ovom prilikom istakao kako u Bosni i Hercegovini trebamo graditi zajedništvo, jedinstvo, a sve u cilju razvoja države. "Želim vam uspješnu promociju proizvoda i usluga, prijateljstava i ugovora", istakao je Bojić. Na Sajmu će se održati i okrugli sto na temu "Diskusija o prioritetima za razvojne intervencije" kroz projekat razvoja tržišne poljoprivrede II (FARMA II), kojeg finansiraju američka i švedska vlada, sa predstavnicima javnog i privatnog sektora. Na okrugli sto u Zenici pozvani su svi relevantni akteri iz ZDK i SBK, uključujući kantonalna ministarstva poljoprivrede, načelnike općina i općinske službe za poljoprivredu, razvojne agencije, te organizacije proizvođača i prerađivača. Također u sklopu 13. ZEPS Intermetal će se predstaviti lideri



Grb Grada Zenice



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Gledajte Savez općina i gradova
Federacije Bosne i Hercegovine na



Pratite Savez općina
i gradova FBiH na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu proslijedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

PAMETNE KLUPE STIGLE U MOSTAR



je to Grada Mostara mostarskim studentima za početak nove akademske godine, saopćeno je iz Gradske uprave Grada Mostara. Postavljene su pametne klupe "Steora", proizvođača tvrtke Include iz Solina. Radi se o novoj generaciji pametnih klupa i Mostar je prvi grad u Bosni i Hercegovini koji je dobio "Steora" pametne klupe. U projekt, za koji je Grad Mostar izdvojio 6000 maraka, uključili su se javna preduzeća Eronet i BH Telecom koja su osigurali besplatne mobilni internet, kao i građevinske tvrtke HP Investing i Amitea, koje su u okviru realizacije ugovorenih poslova na rekonstrukciji pločnika u gradu uredile i dijelove partera ispred fakulteta na kojima su postavljene klupe. Uređivanje zelenila obavili su JP Komos i JP Parkovi.

U kampusu Sveučilišta u Mostaru i kampusu Univerziteta "Džemal Bijedić" postavljene su 'pametne klupe', čime se grad na Neretvi pridružio brojnim gradovima u okruženju koji imaju tu tehnološku inovaciju. Klupa je zahvaljujući solarnoj energiji energetski neovisna, a pruža korisnicima mogućnost bežičnog i USB punjenja mobilnih uređaja, besplatno korištenje mobilnog interneta te ima vlastito osvjetljenje i hlađenje. Poklon



Grb Grada Mostara